

БОЛАШАҚТЫҢ ТІРЕГІН ТӘРБИЕЛЕГЕН - ҰСТАЗ!

Ұстаз болу адам бойындағы қысық қасиеттердің бірі. Өмірде түрлі мамандық иесі болады.

Ел басқарушы және көш бастайтын азамат болсын барлығы ұстазының алдында бас иеді. Себебі, ұстазы жақсының ұстанымы жақсы.

Ұстаз — биіктен арқырай аққан өзен секілді, айналасына қуат беріп, жолында кездескендерді суымен нәрлендіріп, таудай қиындықтарды тастай домалатып, білімнің сар даласында тыныштық тауып, дамылдайды.

Ұстаздар жайында халқымыздың ұлы батыры Бауыржан Момышұлы: “Ұстаздық — ұлы құрмет. Себебі, ұрпақтарды ұстаз тәрбиелейді. Болашақтың басшысын да, данасын да, ғалымын да, еңбекқор егіншісін де, кеншісін де ұстаз өсіреді... Өмірге ұрпақ берген аналарды қандай ардақтасақ, сол ұрпақты тәрбиелейтін ұстаздарды да сондай ардақтауға міндеттіміз”, - дейді.

Міне, осындай құрметке ие, бар саналы ғұмырын ұстаздыққа арнаған жандардың бірі Түркістан облысы,

Шардара ауданының тумасы, филология ғылымдарының кандидаты - Абитова Гаухар Оразқызы.

Ол 1987 жылы Оңтүстік Қазақстан мемлекеттік университетін, 1994 жылы Халықаралық Қазақ-түрік университетін бітірген. ЖОО-ны төмемдағаннан кейін 1994-1999 жылдар аралығында Ордабасы ауданы Қарааспан ауылындағы Жамбыл орта мектебінде ұстаздық қызметін бастайды. 1999-2008 жылы Шымкент қаласындағы №7 техникалық лицейінде ұстаздықты жалғастырды. Талай шәкірттерінің шырағын жаққан Гаухар Оразқызы 2010 жылдан Шымкент Әлеуметтік педагогикалық университетінде ғылым жолына бет бұрады. 2012 жылдан бастап Оңтүстік Қазақстан мемлекеттік университетінің “Сапа қызметі және мониторинг” бөлімінде жоғары санатты маман менеджер болды. Сол жылдары “Ер Сайын жырларының поэтикасы” атты кандидаттық диссертация қорғайды. “Ер Сайын жырларының нұсқалары жайында”, “Ер Сайын” жырларындағы жанрлық синкретизм» атты еңбектерін жазды. “Ер Сайын жырларының оғыз эпикалық дәстүрімен байланысы”, ҚР тәуелсіздігінің 15 жылдығына арналған “Әуезов оқулары-5” жинағы, “Қа-

зақстанда гуманитарлық ілімдердің дамуы: Ізденістер, даму, перспективалары мен бағыттары” атты халықаралық ғылыми тәжірибелік конференциялық еңбектері жарық көрген. А.Байтұрсынұлы жариялаған “Ер Сайын” жырларын зерделеп, онда М.Ж. Көпейұлы, В.Родлов, Р.Игнатьев нұсқауларында кездеспейтін ерекшеліктерді анықтаған.

Еліміз Тәуелсіздік алған жылдардан бері заман талабына сай білім берудің жаңа жүйесін қалыптастырып келеді. Қазіргі уақытта мемлекетіміз халыққа білім берудің әлемдік стандарттарға сай үлгілерін тәжірибе ретінде алып, дамыта түсуде. М.Әуезов атындағы ОҚУ-дың 80 жылдық мерейтойына орай Гаухар Оразқызы заман үдерісіне сай Қазақстанның білім және ғылым жүйесінің дамуына қосқан айрықша үлесі және жоғары білікті мамандарды дайындаудағы ерен еңбегі үшін Ахмет Байтұрсынов орденінің иегері атанды.

Бүгінде құрметті ұстаз аталмыш оқу орнында Стратегиялық даму департаменті Әлеуметтік зерттеу бөлімінің басшысы қызметін абыроймен ат-



қарып келеді.

Өмір жолын жас ұрпақтың білім мен ғылымдағы өркендеуіне арнаған Гаухар Оразқызы бүгінде асқаралы бо жасқа толып отыр. Бір қолымен өз бесігін, бір қолымен ел бесігін тербеген 5 баланың аяулы анасы, адал жарды мерейтойымын құттықтаймыз!

С.КАЛДЫКОЗОВА,

М.Әуезов атындағы орыс тілі және әдебиеті кафедрасының меңгерушісі,

А.КЕРИМЖАНОВНА,
аға оқытушы.